

**KANTONALNA
PRIVREDNA
KOMORA TUZLA**

**BROJ 1 i 2/17,
januar/februar
2017. godine**



KOMORSKI INFORMATIVNIK



**USPOSTAVLJANJE
KVALITETNIJE KOMORSKE
SARADNJE**



**NEDRET KIKANOVIĆ ZA
OSLOBOĐENJE: „PRIVREDA SE
NE PITA“**



**OSNOVAN KLASTER „ENERGY
INVESTMENT“**



**„NAŠA PRIVREDA MOŽE
PRATITI SAVREMENE
SVJETSKE TRENDOVE“**

Komorski informator

Uvod

Poštovani čitaoci!



Početak godine donosi postavljanje novih planova, ciljeva, zadataka. Tako je i u Kantonalnoj privrednoj komori Tuzla u prvim danima 2017. godine kroz Program rada naznačeno u kom smjeru će se kretati komorske aktivnosti. Neke su već počele i da se realizuju...

Raduje informacija iz Udruženja za energetiku, rudarstvo i industriju o osnivanju klastera pod nazivom „ENERGY INVESTMENT“ i to nakon nekoliko sastanaka Odbora Udruženja energetike, rudarstva i industrije Kantonalne privredne komore Tuzla, održanih u protekle dvije godine, na temu unapređenja metalne i elektro industrije na području Tuzlanskog kantona.

U prva dva mjeseca ove godine, brojni su bili istup predsjednika Komore i sekretara komorskih udruženja u medijima. Govorilo se o planovima za 2017. godinu, o pokrenutim ili realizovanim aktivnostima, analizirala su se privredna kretanja...

Bilo je prilike da se i u tim nastupima a evo i putem naše novine, pohvalim i novim pristupanjima u članstvo Komore a zapažen je broj novih firmi članica. Također, u skladu sa zacrtanim zadacima, oformljena je i nova Grupacija u Komori pa će u okviru Udruženja za poljoprivredu i prehrambenu industriju u narednom periodu djelovati i Grupacija proizvođača flaširane vode Tuzlanskog kantona.

Redovni su sastanci odbora komorskih udruženja a značajne su i aktivnosti na jačanju saradnje sa Fondacijom za razvoj odnosa BiH i Turske – BIGMEV. Između ostalog, čelnici Komore i Bigmeva su razgovarali o saradnji na polju sajamskih aktivnosti, organizovanog nastupa turskih privrednika na sajmovima u Tuzlanskom kantonu a i u obrnutom smjeru. Ide to u prilog sada već konstantom opredjeljenju Komore da čini maksimalne napore kako bi za svoje članice obezbijedila što povoljnije uslove nastupa na značajnim sajamskim manifestacijama. Pa se i ove turske, mogu dodati onima koje nas brzih dana očekuju a među njima su sajmovi u Virovitici, Banjaluci, Beogradu, pa sajmovi u Tuzlanskom kantonu, Lukavac i Gračanica a onda opet, po već ustaljenom rasporedu, predstavljanje Privrede TK na sajmovima u BiH i regionu. U ovom broju naše novine, donosimo i kompletan raspored sajmovi na velesajmovima u Zagrebu, Beogradu i Novom Sadu.

Uz navedenu, još je niz razloga da posvetite minute čitanju naše novine „Komorski informator“, izdanje za januar/februar 2017. godine...

Dino Kalesić
gl. i odg. urednik



Komorski informator

Sadržaj

KANTONALNA PRIVREDNA KOMORA TUZLA

KOMORSKI INFORMATOR
BROJ 1 i 2/17,
januar/februar
2017. godine

IZDAVAČKI SAVJET:

1. Nedret Kikanović, član
2. Mirsad Kukić, član
3. Bajazit Jašarević, član
4. Suad Selimović, član
5. Nurudin Žunić

REDAKCIJSKI KOLEGIJ:

1. Nedret Kikanović, član
2. Esad Arnautović, član
3. Nurudin Žunić, član
4. Suad Selimović, član

IZDAVAČ:

Kantonalna privredna
komora Tuzla

GL. I ODGOVORNI UREDNIK:

Dino Kalesić

TEHNIČKA PRIPREMA, REPRO I ŠTAMPA:

GRIN d.o.o. Gračanica

ZA ŠTAMPARIJU:

Annan Imerović, direktor

TIRAŽ:

500 primjeraka.

ADRESA:

Trg slobode bb
e-mail: kpktz.ba@bih.net.ba
<http://www.kpktz.ba>

	USPOSTAVLJANJE KVALITETNIJE KOMORSKE SARADNJE	4
	NEDRET KIKANOVIĆ ZA OSLOBOĐENJE: "PRIVREDA SE NE PITA"	5
	OSNOVAN KLASER „ENERGY INVESTMENT“	6
	PONUĐENI NACRT ZAKONA JE NEPROVODIV!	7
	„NAŠA PRIVREDA MOŽE PRATTI SAVREMENE SVJETSKE TRENDOVE“	8 i 9
	OSNOVANA GRUPACIJA PROIZVOĐAČA FLAŠIRANE VODE TK	10
	"GLOBAL ISPAT KOKSNA INDUSTRIJA" D.O.O. LUKAVAC	12
	ELSTA MOSDORFER BOSNIA D.O.O.	13
	RK „TUZLANKA“: SHOPPING I ZABAVA	14
	DITA I DALJE BEZ VLASNIKA	15
	TTU ENERGETIK UBRZO POČINJE S AKTIVNOM PROIZVODNJOM	16
	IZ KOMORSKOG SISTEMA REGIJE	18
	SAJAMSKE AKTIVNOSTI	19, 20 i 21



Nastavljena saradnja Komore i BIGMEV-a...

Uspostavljanje kvalitetnije komorske saradnje

Organizovati zajednički nastup turskih firmi na sajmovima u TK – Organizovati posjete privrednika TK sajmovima u Turskoj – Prihvaćena saradnja na pripremi investicionog vodiča Tuzlanskog kantona – Komora u narednom periodu posrednik u povezivanju privrednika i aktivnostima BIGMEV-a



Nedret Kikanović predsjednik Kantonalne privredne komore Tuzla, upriličio je danas prijem za Samira Vildić country managera Fondacije za razvoj odnosa BiH i Turske – BIGMEV. Jedan je to u nizu sastanaka na kojima se iznalaze mogućnosti približavanja ove Fondacije privrednicima na području Tuzlanskog kantona, posebno firmama članicama Komore. Uvijek aktuelna tema otvorena je i na ovom sastanku a odnosi se na konstantne napore da se uspostavi što kvalitetnija i intenzivnija saradnje tuzlanske sa komorama u Turskoj, posebno sa Privrednom komorom Istanbula. Razgovaralo se i o mogućnostima učešća turskih firmi na sajmovima u Tuzlanskom kantonu, sa akcentom na sajmove u Gradačcu, Gračanici i Lukavcu. S tim u vezi, upućen je poziv da se posredstvom Fondacije BIGMEV organizuje zajednički nastup na pomenutim a kvalitetnim i u široj regiji priznatim sajamskim manifestacijama. Također, zaključeno je kako bi za unapjeđenje odnosa među privrednicima Turske i Tuzlanskog kantona, bilo dobro upriličiti organizovane posjete određenim sajmovima u Turskoj koja je domaćin brojnim kvalitetnim sajamskim manifestacijama tokom cijele godine. Predsjednik Kikanović je ovom prilikom dogovorio dvije veoma značajne stvari za Komoru, firme članice Komore i općenito kantonalnu privredu. U ime Fondacije BIGMEV, manager Vildić je prihvatio saradnju na novom komorskom projektu a riječ je o pripremi investicionog vodiča Tuzlanskog kantona. Ujedno, dogovoreno je da Komora u narednom periodu bude posrednik kod iskazanih interesa turskih kompanija kao i svih drugih aktivnosti koje BIGMEV realizuje na području Tuzlanskog kantona. Na sastanku u Komori koji

predstavlja nastavak kvalitetne saradnje dvije institucije, razgovarano je i o planovima za 2017. godinu a vezanim za zajedničke aktivnostima u cilju promovisanja privrede TK u Turskoj. Inače, BIGMEV je organizacija osnovana 2010. godine s ciljem razvoja odnosa između Bosne i Hercegovine i Republike Turske.



Fondacija već sedam godina kontinuirano radi na izvozu bh roba i usluga na tursko tržište. Sjedište Fondacije je u Istanbulu, sa predstavništim u Bursi i Sarajevu. Osnovna zadaća BIGMEV-a je spajanje stranih investitora sa poslovnim prilikama u Bosni i Hercegovini. Projekti BIGMEV-a se realizuju posredstvom institucija na području čitave Bosne i Hercegovine. Pored potpisivanja UN-ovog Globalnog sporazuma, BIGMEV je do sada realizirao mnoge uspješne projekte, edukacije za menadžere malih i srednjih preduzeća, poslovne forume, ali i olakšao izvoz bh proizvoda na tursko tržište. BIGMEV je fondacija koja svu svoju dobit usmjerava u pomoć za djecu sa posebnim potrebama, zatim stipendije studentima, programe za obuku mladih poduzetnika i projekte koji će osigurati povratak iz dijasore građana BiH.

D.K.



Oslobođenje: Politika odlučuje, privreda se ne pita...

Nedret Kikanović za Oslobođenje: “Privreda se ne pita”

Povezivanje milion ljudi sa glavnim gradom – Povezivanje privrednih centara iz TK sa Sarajevom

Projekt izgradnje autoceste koja će u budućnosti povezivati Sarajevo i Beograd u Bosni i Hercegovini je izazvao veliku pažnju javnosti. Općine, kantoni i entiteti već uveliko lobiraju da trasa kroz BiH prođe upravo preko njihove teritorije, a sve tehničke pogodnosti za izgradnju ove ceste, barem prema informacijama koje dolaze iz Vlade TK-a, ima upravo ovaj kanton.



Najlogičniji potez

FBiH Fadil Novalić na nedavnom sastanku u Tuzli kazao kako će upravo ova trasa biti i zvanično rješenje koje će Vlada FBiH podržati i predložiti Srbiji. Nedret Kikanović predsjednik Kantonalne privredne komore Tuzla smatra da je ova trasa i u interesu Sarajeva. **“Na ovaj način mi bismo sa Sarajevom povezali najmanje još milion ljudi koji gravitiraju ovim teritorijama, a povećanje kretanja stanovnika također može imati velike efekte na cjelokupnu privredu. S druge strane, povezali bismo i velike privredne centre u TK-u poput Gračanice i Srebrenika sa Sarajevom”,** kazao je Kikanović. Pozvao je i političke predstavnike, ali i privrednike da budu agresivniji u zagovaranju ove trase, koja bi mogla imati višestruk značaj za oba entiteta i za Brčko, ali posebno za TK. **“Htio to neko priznati ili ne, Tuzlanski kanton je industrijski centar BiH i povezivanje Sarajeva i TK-a može nam samo donijeti dobro. Povezala bi se i bijeljinska i zvrnička regija sa drugim centrima u BiH i to je dobro za RS, tako da bismo na ovaj način svi bili na dobitku. Trasa preko Višegrada ne bi imala nikakav značaj, možda kad bi nekako obuhvatala Goražde”,** dodao je Kikanović.

Kako je za Oslobođenje kazao ministar saobraćaja, trgovine i turizma u Vladi TK-a Mirsad Gluhic, povezivanje Sarajeva, kao diplomatskog centra, i TK-a, kao najmnogoljudnijeg kantona, čini se kao najlogičniji potez. **“Sarajevski kanton je centar. Sarajevo je diplomatski grad i tu se odvijaju sve aktivnosti u vezi sa državom BiH. Sarajevo je glavni grad, a naš kanton je najmnogoljudniji, sa privredom koja na nivou FBiH možda i najbolje kotira, a sigurno obećava i dalji razvoj. Autocesta koja bi povezivala Sarajevo i Beograd sasvim je opravdano da ide ovuda”,** kazao je Gluhic.

Trasa koja bi obuhvatala Tuzlu imala bi višestruku vrijednost - povezala bi Tuzlu i sjeveroistočnu Bosnu sa Sarajevom, a osigurala bi i rastućoj privredi povezivanje kako sa centrom BiH, tako i sa Srbijom. Ova trasa bi išla preko Tuzle, dijela Brčko distrikta, Bijeljine i u Srbiju bi ulazila u zvrničkoj regiji. **“Ova trasa je trenutno najjednostavnija i to niko me može poreći. Ima sve tehničke prednosti u odnosu na trasu koja bi išla preko Rogatice i Višegrada. Ona bi prvo bila skuplja, a zatim i komplikovanija, jer predviđa izgradnju 11 mostova”,** dodao je Gluhic. Pored povezivanja regija i gradova, trasa koja bi išla preko Tuzle omogućila bi i brojnim domaćim kompanijama da maksimalno iskoriste resurse.

Na ovu trasu računa i više od stotinu privrednika TK-a, kojima je premijer Vlade



Ozbiljan posao

I kantonalni ministar i privrednici preko Privredne komore pozivaju političke predstavnike koji djeluju pri državnim institucijama, a koji dolaze iz TK-a, da počnu lobirati za ovu trasu. “Stvar je sad, nažalost, u rukama politike, jer politika će na kraju donijeti odluku koja se tiče privrede. Ali, bilo kako bilo, mislim da svi subjekti sa ovog područja moraju biti saglasni da je ovo najbolja opcija”, kazao je Kikanović.

Oslobođenje
Miren Alić



Iz Udruženja za energetiku, rudarstvo i industriju...

Osnovan klaster „ENERGY INVESTMENT“

Osnivanje prethodilo nekoliko sastanaka Odbora – Početkom februara osnovan Klaster – U Klasteru firme koje zajedno zapošljavaju 1150 rednika – Cilj Klastera je zajedničko djelovanje na unapređenju poslovanja



Nakon nekoliko sastanaka Odbora Udruženja energetike, rudarstva i industrije Kantonalne privredne komore Tuzla, održanih u protekle dvije godine, na temu unapređenja metalne i elektro industrije na TK. Na ovim sastancima je, putem zaključaka, iskazivana mogućnost odnosno opredjeljenje za osnivanjem klastera metalne i elektro industrije, kao i aktivnosti koje su vođene u tom smjeru. Vizijom razvoja i objedinjavanja kapaciteta, firme „Tehnopetrol“, „Deling“, „Index“, „Umel Dalekovodmontaža“ i „Rudar“, osnovale su u petak, 3. februara 2017. godine klaster pod nazivom „ENERGY INVESTMENT“ (sa sjedištem u prostorijama firme Rudar na adresi Mitra Trifunovića Uče broj 9) koje zajedno imaju više od 1150 zaposlenih sa cca 150 VSS kadrova te respektabilnim proizvodnim kapacitetima i ukupnim prihodom. Cilj i djelatnost klastera „ENERGY INVESTMENT“ je povećanje profitabilnosti, efikasnosti i konkurentosti, zajednički nastup u plasmanu proizvoda i usluga, objedinjavanje stručnih i materijalnih potencijala, istraživanje tržišta u zemlji i inostranstvu te međusobna razmjena informacija, racionalnije korištenja kapaciteta, zajednički nastup kod banaka i drugih finansijskih institucija, pojedinačnih članica. Zatim, koncept zajedničkog razvoja domaćeg strateškog inženjeringa u oblasti izgradnje i održavanja energetske kapaciteta, opreme i dijelova, kojim bi se

obezbijedila efikasna i racionalna realizacija investicionih projekata počev od izbora, pripreme, izgradnje, puštanja u rad do primopredaje energetske ili drugih objekata i postpredajnog održavanja kao i saradnja sa nadležnim ministarstvima, vladinim tijelima i organizacijama, nadležnim državnim organima, privrednom komorom i drugim organizacijama na unapređenju regulatornog okvira i poslovnog ambijenta, kao i stvaranja uslova za unapređenje potencijala za nudičenje, ugovaranje i realizaciju pojedinih faza ili ukupne izgradnje energetske ili drugih objekata kako bi se ravnopravno uključili u realizaciju očekivane intenzivne izgradnje energetske kapaciteta u regionu.

Pripremio: Nurudin Žunić
Sekretar Udruženja za energetiku, rudarstvo i industriju

Iz Udruženja za promet i komunikacije...

Održana redovna sjednica Grupacije za unutrašnji promet putnika

Raspravljalo se o prigovoru članica Sekcije za unutrašnji promet putnika vezano za promjenu itinerera



Članovi Odbora Sekcije za unutrašnji promet putnika koja u Kantonalnoj privrednoj komori Tuzla djeluje pri Udruženju za promet i komunikacije, upriličili su redovnu sjednicu. Sjednici su, uz članove Odbora, prisustvovali predstavnici Ministarstva za trgovinu, turizam i saobraćaj Tuzlanskog kantona i Kantonalne uprave za inspeksijske poslove TK. Raspravljalo se o prigovoru članica Sekcije za unutrašnji promet putnika vezano za promjenu itinerera a nakon diskusije, zaključeno je da se traži od resornog ministarstva da utvrdi po kojem osnovu i na koji način „Gradski i prigradski saobraćaj“ d.d. Tuzla može promijeniti itinerer na linijama broj 1., 15. i 16. bez usklađivanja redova vožnje. Također, traži se od Ministarstva za trgovinu, turizam i saobraćaj Tuzlanskog kantona da ovaj zaključak proslijedi Gradu Tuzla – Službi za komunalne poslove, izgradnju i poslove mjesnih zajednica, kao i Kantonalnoj upravi za inspeksijske poslove kako bi se i od njih dobilo objašnjenje vezano za promjenu itinerera.

D.K.



Javna rasprava o Nacrtu Zakona o šumama...

Ponudjeni Nacrt zakona je neprovodiv!

Organizovana Javna rasprava o Nacrtu Zakona o šumama – Komora domaćin rasprave za Tuzlanski i Posavski kanton – Izneseno niz primjedbi na ponudjeni Nacrt – Organizator rasprave Federalno ministarstvo poljoprivrede, vodoprivrede i šumarstva



Predstavnički dom Parlamenta Federacije Bosne i Hercegovine i Dom naroda Parlamenta Federacije Bosne i Hercegovine prihvatili su Nacrt Zakona o šumama, te zadužili predlagачa Federalno ministarstvo, poljoprivrede, vodoprivrede i šumarstva da organizuje i provede javnu raspravu po kantonima za izradu Prijedloga Zakona o šumama. S tim u vezi je Federalno ministarstvo poljoprivrede, vodoprivrede i šumarstva je organizovalo javnu raspravu o Nacrtu Zakona o šumama za Tuzlanski i Posavski kanton održi u Kantonalnoj privrednoj komori Tuzla. Kako je saopćeno je iz Ministarstva za poljoprivredu, šumarstvo i vodoprivredu, na Javnu raspravu su pozvani svi zainteresovani za koje se smatra da mogu dati svoj doprinos o ovoj izuzetno važnoj temi. Okupljeni na Javnoj raspravi su iznijeli primjedbe na navedeni Nacrt a koje se odnose na zaštitu i očuvanje šuma, kaznene odredbe, upravljanje šumskim fondom, nadležnosti Ministarstva i kantonalnih uprava za šume, nedefinisano finansiranje čuvarske službe šuma. Najviše pažnje pobudilo je izlaganje Refika Hodžića, predsjednika Skupštine Udruženja inženjera i tehničara šumarstva Federacije BiH. Kako je istakao, ponuđena rješenja upravljanja, korištenja i nadzora u navedenom Nacrtu nisu prihvatljiva za šumu sa stanovišta Održivog gospodarenja šumom. **“Šuma se postavila kao plijen iz koje reba izvući što više novaca a ne kao obnovljivi resurs sa datim sigurnim i jasnim rješenjima kako očuvati i unaprijediti postojeće stanje šuma u FBiH i obezbijediti potrajnost u gospodarenju šumama. Ponudjeni nacrt je neprovodiv jer ne obezbjeđuje potrebna finansijska sredstva za realizaciju potrajnosti gospodarenju šumama a što se vidi iz ponuđenih rješenja Nacrta kod propisivanja anaknada. Planiranje nije prihvatljivo je nije u skladu sa naukom i**

praksom”, iznio je stav Hodžić. Naveo je i niz primjedbi vezanih za član koji se odnosi na formiranje ŠPP/ŠGP, za neusklađenost Nacrta sa Šumarskim programom FBiH, a stava je i da ponudjeni Nacrt ne omogućava tržišno poslovanje korisniku šuma. **“Zaštita šuma od požara nije u ponuđenom Nacrtu usklađena sa mjerama iz Programa razvoja šumarstva FBiH. Nacrt nema modernu dimenziju koju zatijeva EU. Niz je nepravilnosti vezanih za zaštitne šume i šume posebne namjene, ne spominu se šume visoke zaštitne vrijednosti a ima i netačnih pojmova koje treba promijeniti. Postoje kontradiktornosti kada je u pitanju segment tržišnog načina prodaje šumskih drvnih sortimenata jer istovremeno se predlaže da resorno kantonalno ministarstvo svake godine donosi cjenovnik, što je u suprotnosti i predstavlja kontrolisanje cijena i prodaje šumskih sortimenata. Paredoksalno je i nigdje u svijetu nije zabilježeno da nezakonitu štetu na šumi snosi korisnik. Puno je nelogičnosti vezanih i za sufinansiranje čuvarske službe, kaznene odredbe polaganje sručnog šumarskog ispita, generalno, Nacrt je neprovodiv”,** zaključio je Refik Hodžić svoje izlaganje a treba konstastovati da su navedene stavove podržali skoro svi učesnici Javne rasprave. Za sve one koji nisu bili u mogućnosti prisustvovati Javnoj raspravi u Tuzli, tekst Nacrta Zakona o šumama (sa obrascima za dostavljanje primjedbi) može se preuzeti na oficijelnoj web stranici Federalnog ministarstva poljoprivrede, vodoprivrede i šumarstva: www.fmpvs.gov.ba u izborniku: Šumarstvo, podizbornik: Sektor za šumarstvo i lovstvo, Propisi u izradi, a na mail adresu ministarstva mogu uputiti primjedbe.

D.K.



Gostovanje u programu RTVTK...

Nedret Kikanović: „Naša privreda može pratiti savremene svjetske trendove“

Kantonalna privredna komora Tuzla već je izgradila jedan profil stalnog i kvalitetnog učesnika brojnih sajamskih manifestacija



RTVTK: Kada govorimo o privredi možemo li reći da su pokazatelji privrednih kretanja u našem kantonu pozitivni?

N.K. „Privreda u našem Kantonu definitivno ostvaruje pozitivan rezultat. Uzmimo za primjer ostvarene rezultate poslovanja u industrijskoj proizvodnji. Došlo je do povećanja proizvodnje od 6,6%. Taj iznos u TK je veći od industrijskog rasta na nivou cijele BiH koji iznosi 4,6 %. Dalje, električna energija je povećala svoju proizvodnju za 8%. Rudnik „Kreka“ je povećao za 23 % svoju proizvodnju u odnosu na prethodnu godinu, dok je rudnik „Đurđevik“ za 17 %.“

RTVTK: Koliko su naši privrednici poželjni kao izvoznici van kantona i van naše zemlje, evo šesedžam soda je jedan od svijetlih primjera izvoza?

N.K. „Kao izvoznici naši privrednici su poželjni. Ostvaren je izvoz namještaja u iznosu od 71.609.000,00 KM; izvoz kože, krzna i proizvoda od kože i krzna u iznosu od 15.217.000,00 KM; izvoz

odjeće u iznosu od 40.383.000,00 KM; obuće 57.556.000,00 KM.“

RTVTK: Koliko komora ima uvida u probleme privrednika na terenu i koji su to problemi s kojima se najčešće susreću?

N.K. „Komora ima uvida u probleme privrednika. Najveći problem je siva ekonomija i rad na crno(nelegalan rad). Susreću se sa problemima izvoza mlijeka, voća, povrća. Ova pitanja se rješavaju na odborima granskih udruženja Komore, nakon čega se dopisi dostavljaju nadležnim organima kako bi se zajednički riješio taj problem.“

RTVTK: Da li su sajmovi najbolji način da se prezentuju privredni potencijali našeg kantona?

N.K. „Kantonalna privredna komora Tuzla već je izgradila jedan profil stalnog i kvalitetnog učesnika brojnih sajamskih manifestacija. Ovo prije svega možemo potvrditi činjenicom da smo i kroz ovaj segment, dakle, kroz sajamske aktivnosti, u potpunosti servis našim članicama, privrednim subjektima: Naš koncept je da ne predstavljamo sebe, ne predstavljamo Komoru, nego smo u službi prezentovanja, promocije, naših firmi članica i njihovih proizvoda, a to je jedan stil koji već godinama gajimo i po kojem ne samo da smo prepoznatljivi nego koji je uspio da utiče i na načine izlaganja drugih komora iz regiona. Nije na odmet pomenuti i da su firme članice Komore, sa nekoliko sajamskih manifestacija u protekloj godini, donijele niz vrijednih priznanja i plaketa. A sajamskim manifestacijama na kojima je „Privreda TK“ već tradicionalno prisutna, prepoznatljiva i rado viđena, ove godine smo otvorili dvije nove. Bili smo u Zrenjaninu Banjaluci, sve opet, zahvaljujući dobroj međukomorskoj saradnji, susretljivosti, zalaganju za privrednike i privredu u cijelosti. I naravno da smo itekako zadovoljni i zahvalni našim komorskim prijateljima u zemlji i regionu. Kada bi mi u Komori pravili sajamska hroniku, onda bi je popunili informacijama sa realizovanim nastupima u Virovitici, Gračanici, Lukavcu, Mostaru, Gradačcu, Zrenjaninu, Bihaću, Zenici, Zaječaru, Banjaluci. U ovoj godini ćemo pokušati otvoriti neka nova poglavlja pa se pokušati pozicionirati u Beogradu, Sremskoj Mitrovici, Novom Sadu, pokušavamo obnoviti saradnju i nastupiti u Osijeku, Splitu, Zagrebu, privrednicima ćemo ponuditi sajamske manifestacije u Turskoj.“





RTVTK: Šta je ono što najviše uvozimo u naš kantona a šta je ono što izvozimo?

N.K. „Ono što najviše izvozimo su:

- mineralna goriva, maziva i srodni proizvodi u vrijednosti od 116.202.000,00 KM od čega najviše ugalj, koks i briketi u iznosu od 109.004.000,00 KM,
- mašine/strojevi i transportna sredstva u vrijednosti od 218.923.000,00 KM od čega najviše pogonske mašine i oprema u iznosu od 121.307.000,00 KM,
- razne industrijske proizvode u vrijednosti od 307.202.000,00 KM od čega najviše namještaj i njegove dijelove u iznosu od 70.609.000,00 KM,
- odjeća u iznosu od 44.383.000,00 KM.

Ono što najviše uvozimo su:

- hemijski proizvodi ukupne vrijednosti 164.796.000,00 KM od čega najviše medicinski i farmaceutski proizvodi u iznosu od 33.641.000,00 KM,
- industrijski proizvodi ukupne vrijednosti 399.311.000,00 KM od čega najviše koža, krzno i proizvodi od kože i krzna u iznosu od 67.591.000,00 KM, zatim željezo i čelik u iznosu od 64.853.000,00 KM,
- metalni proizvodi u iznosu od 68.081.000,00 KM,
- tkanine i tekstilni proizvodi u iznosu od 61.146.000,00 KM,
- drumska vozila u iznosu od 77.337.000,00 KM.“

RTVTK: Koliko naša privreda može pratiti savremene svjetske trendove?

N.K. „Naša privreda može pratiti savremene svjetske trendove. A to možemo da potkrijepimo ciframa o izvozu i uvozu. Kompanija Menprom iz Gornje Tuzle prva iz Bosne i Hercegovine planira izvoz svježeg mesa na tursko tržište. Zbog toga su odlučili izgraditi objekat u vrijednosti od šest miliona maraka gdje će se pakovati ovo meso, a zaposlit će i nove radnike. Plan je izvesti mesa i gotovih proizvoda u vrijednosti 20 do 30 miliona maraka. Povećanje uvoza zabilježeno je u većini općina TK a najviše u Živinicama za 19,8%, Lukavcu za 18,1% i Tuzli za 11,8%, dok je najveće smanjenje uvoza zabilježeno u općinama Teočak za 45,3% i Sapna za 40,8% u odnosu na prethodnu godinu. Procenat pokrivenosti uvoza izvozom u 2016. godini u FBiH iznosi 57,5 % a u TK 77,3%.“

RTVTK: Šta su planovi Komore za naredni period?

N.K. „Realizacija Programa rada Kantonalne privredne Komore Tuzla u 2017. godini biće izvršena kroz aktivnosti organa Komore, putem sektora Udruženja, Sektora za edukaciju, promociju, regionalnu saradnju i odnose s javnošću i Stručne službe Komore. U 2017. godini Komora će se na osnovu Sporazuma o partnerskoj saradnji na unaprijeđenju privrede između Kantonalne privredne komore Tuzla i Vlade Tuzlanskog kantona, zalagati da se partnerski odnos sa organima izvršne vlasti na Tuzlanskom kantonu ostvaruje kroz sljedeće aktivnosti:

- Formirati Koordinacioni odbor zajedno sa predstavnicima Vlade TK, koji će upućivati inicijative, davati prijedloge za utvrđivanje javnih politika, učestvovati u javnim raspravama.
- Unaprijeđenje izvoza roba i usluga sagledavati kroz redovnu koordinaciju sa nadležnim ministarstvima Tuzlanskog kantona.
- Raditi na promociji poduzetništva i samozapošljavanja kao jednog od načina smanjenja nezaposlenosti.
- Zajedno sa Vladom Tuzlanskog kantona raditi na zaštiti članstva od svih vidova nelojalne konkurencije, sive ekonomije.“

Povećan broj članica Komore



Kantonalna privredna komora Tuzla,
75000 Tuzla, Trg slobode b.b.
Telefon: +387 (0)35 369-550; 369-560
Fax: +387 (0)35 369-552
E-mail: komora@kpktz.ba

11 privrednih subjekata novi članovi Komore periodu novembar 2016/februar 2017

Kada je u pitanju članstvo u Kantonalnoj privrednoj komori Tuzla, zadovoljstvo je istaći kako se nastavlja trend povećanja broja članica, iz mjeseca u mjesec. U periodu od 1. novembra 2016. godine do 1. februara 2017. godine, velikom broju privrednih subjekata koje su potpisale članstvo u Komoru, pridružilo se još jedanaest firmi. Riječ je o slijedećim firmama koje su se odmah po u članjenju u Komoru, aktivno uključile u rad granskih udruženja te izjavile spremnost za sudjelovanje na sajamskim manifestacijama u okviru zajedničke sajamske postavke pod nazivom "Privreda TK" koje će u narednom periodu za svoje članice organizovati. To su:

- "TQM" doo Lukavac
- "VM Promet Co" doo Tuzla
- "Konzum" doo Sarajevo
- "Hit tours" doo Tuzla
- "Prima sofa" doo Kalesija
- "Namještaj" doo Gradačac
- "Multicom" doo CPE Centar za poslovnu edukaciju Tuzla
- "Atiker" doo Živnice
- Institut za zavarivanje doo Tuzla
- "Cogo Living" doo Tuzla
- "Tehnopetrol" doo Tuzla

D.K.



Iz Udruženja za poljoprivredu i prehrambenu industriju...

Osnovana Grupacija proizvođača flaširane vode TK

Cilj Grupacije je okrupniti domaće proizvodnju i napraviti dobru reklamu domaćih proizvođača -
Mira Isović predsjednica novoosnovane Grupacije proizvođača flaširane vode TK

U Kantonalnoj privrednoj komori Tuzla a u okviru Udruženja za poljoprivredu i prehrambenu industriju, osnovana je Grupacija proizvođača flaširane vode Tuzlanskog kantona. Novoosnovana Grupacija pri resornom kantonalnom Udruženju će zastupati interese proizvođača s ciljem veće zastupljenosti na domaćem tržištu. Sekretar komorskog Udruženja za poljoprivredu i prehrambenu industriju Suad Selimović kazao je da je osnivanjem ove grupacije Kantonalna privredna komora TK okupila osam proizvođača flaširane vode.



“Uspostavljanjem Grupacije proizvođača flaširane vode Tuzlanskog kantona, želimo pokazati našim građanima da imamo dobre firme, koje proizvode flaširanu vodu i imaju svu potrebnu dokumentaciju, čije se vode nalaze na listi izvorskih voda Agencije za sigurnost hrane i koje su ocijenjene po kvalitetu”, rekao je Selimović. Ističe da će ova grupacija nastojati da zajednički nastupi na tržištu i na taj način što više promovira domaći proizvod. Flaširana voda je, kako je pojasnio, u kategorijama mineralna voda, prirodna voda i stona voda, a vrijednost uvoza ovih voda posljednjih godina dosegla je više od 23 miliona KM. **“Cilj je okrupniti domaće proizvodnju i napraviti dobru reklamu domaćih proizvođača”,** podvlači Selimović, naglasivši da oni upošljavaju i do 20 ljudi, te plaćaju poreske obaveze državi. Upitan da li proizvođači izvoze vodu na inostrano tržište, kazao je da zasad vodu prodaju na domaćem tržištu te da je bilo pokušaja izvoza, međutim nisu uspjeli. Navodi primjer da je voda na carinskom terminalu zadržavana i po sedam dana i na kraju vraćena u BiH. Vlasnik firme Kristal, koja proizvodi vodu Kristal, Sabit Begić smatra da bi Grupacija ubuduće morala skrenuti pažnju javnosti na značaj i važnost domaće vode na domaćem tržištu.



“Mi smo uveliko potisnuti od uvoznih voda i ozbiljno smo ugroženi te niko od nas nije iskoristio više od 20 posto svojih kapaciteta”, upozorio je Begić. Naveo je problem koncesija za vodu, naglasivši da koncesija za vodu košta četiri puta više nego koncesija za kamen, pijesak, ugalj i slično. Tvrdi da njegova firma proizvede dnevno od 5 do 7 tona vode, ali da bi mogao proizvoditi i deset puta više. Nakon formiranja Odbora Grupacije, za predsjednicu je izabrana Demira Isović direktorica firme “Kreativa marketing” Tuzla, distributer flaširane vode “Diva”. **“Već na ovom prvom našem okupljanju smo istakli neke ciljeve prema kojima Grupacija treba da ide u narednom periodu. Moramo se posvetiti određenim segmentima koji su vezani za zakonsku regulativu, posebno se trebamo posvetiti Zakonu o koncesijama. S tim u vezi ćemo u narednom periodu uputiti dopis resornom kantonalnom ministarstvu u kojem ćemo tražiti da se preispita Pravilnik o dobijanju koncesija. Zajednički stav je da se mora pokrenuti inicijativa za smanjenje vodnih naknada, smanjenje poreskih obaveza za uposlene radnike. Dogovorili smo se da zajedničkim snagama pokušamo napraviti brend od naših domaćih voda, da se putem zajedničkih reklamnih kampanja predstave vode na tržištu, da se pokušaju uspostaviti i partnerski odnosi sa medijskim kućama na području Tuzlanskog kantona. Također, svi članovi Grupacije su stali da se putem resornog ministarstva pokuša u osnovno obrazovanje do četvrtog razreda uvesti aktivnije bavljenje temom „kupujemo domaće“ kako bi se učenici upoznali s robom domaće proizvodnje”,** istakla je Isovićeva.

D.K.



Nova članica Komore...

Prirodna izvorska voda Aqua Vita / voda života

Izvorište staro više od 200 godina – Kvalitet potvrdila brojna ispitivanja - Aqua Vita je niskomineralna, planinska prirodna izvorska voda



Planinski studenac počeo je sa radom 2011. godine kada na tržište BiH izlazi sa prirodnom izvorskom vodom AquaVita. Iste godine preduzeće je izvršilo i implementaciju HACCP sistema. Izvorište "Studenac" iz kojeg se puni AquaVita je staro više od 200 godina, a temperatura vode na izvoru je bez obzira na godišnje doba 11 stepeni celzijusa. Izvorište vode je smješteno na liniji razgraničenja između entitetskih granica u podnožju planine Borogovo, opština Osmaci, odnosno Capardama, a kompletan fabrički i proizvodni kompleks smješten je u netaknutom dijelu prirode daleko od zagađivača. Da je riječ o kvalitetnoj prirodnoj izvorskoj vodi potvrdila su brojna ispitivanja kako na domaćim tako i na stranim institutima kao i Agencija za sigurnost hrane BiH koja je na osnovu Pravilnika o prirodnim i mineralnim i prirodnim izvorskim vodama BiH priznala vodu AquaVita kako prirodnu izvorsku.

Izvor star 200 godina

Planinski studenac počeo je sa radom 2011. godine kada na tržište BiH izlazi sa prirodnom izvorskom vodom AquaVita. Iste godine preduzeće je izvršilo i implementaciju HACCP sistema. Izvorište "Studenac" iz kojeg se puni AquaVita je staro više od 200 godina, a temperatura vode na izvoru je bez obzira na godišnje doba 11 stepeni celzijusa. Izvorište vode je smješteno na liniji razgraničenja između entitetskih granica u podnožju planine Borogovo, opština Osmaci, odnosno Capardama, a kompletan fabrički i proizvodni kompleks smješten je u netaknutom dijelu prirode daleko od zagađivača. Da je riječ o kvalitetnoj prirodnoj izvorskoj vodi potvrdila su brojna ispitivanja kako na domaćim tako i na stranim institutima kao i Agencija za sigurnost hrane BiH koja je na osnovu Pravilnika o prirodnim i mineralnim i prirodnim izvorskim vodama BiH priznala vodu AquaVita kako prirodnu izvorsku.

Aqua Vita - Voda života

Aqua Vita je niskomineralna, planinska prirodna izvorska voda. Optimalna pH vrijednost od 7,22 pomaže boljem rastvaranju hranjivih tvari kao i enzimskoj hidrolizi sastojaka iz hrane. Sadržaj kalcijuma je 95,39 mg/L. Prirodno prisutan rastvoreni kalcijum, doprinosi zdravlju kostiju i zuba, regulira kontrakcije mišića, funkcioniranje nervnog tkiva kao i krvni pritisak. Sadržaj silicijuma je 11,05 mg/L koji doprinosi cvrstoći kolagena svih tkiva, posebno kože i krvnih sudova. Zbog svog blagog sastava prirodna izvorska voda Aqua Vita se preporučuje svim uzrastima, a posebno osobama starije životne dobi u cilju prevencije osteoporoze te adolescentima. Trenutno je u proizvodnom asortimanu voda "AquaVita" u staklenim bocama od 0.25 litara, PET ambalaži od 0.33, 0.50, 1.5 i 5 litara i bocama za aparate od 18.90 litara. Iza Planinskog studenca je mukotrpan posao, naglašavaju u menadžmentu firme "Planinski studenac", a ono što krase AquaVitu je to što je proizvedena u BiH i da je domaći proizvod sa oznakom kvaliteta i broja 387. Više informacija na telefon 066-900-020 ili putem mail-a info@aquavita.ba



D.K.



Istorija duga više od 60 godina...

"Global Ispat Koksna Industrija" d.o.o. Lukavac (GIKIL)

GIKIL-ov tim je opredjeljen da kao tržišni lider kroz proaktivan odnos nastavi partnerstvo sa poljoprivrednom zajednicom



Proizvodnja koksa u Lukavcu ima historiju više od 60 godina. "Global Ispat Koksna Industrija" d.o.o. Lukavac (GIKIL) je poznata po visoko kvalitetnim proizvodima, liderstvu i kulturi Korporativne društvene odgovornosti, uvijek s ciljem da služi potrebama kupaca na najisplativije moguće načine. Kompanija ima oko hiljadu zaposlenih, a cijeli kompleks sa svojih pet operativnih jedinica pokriva površinu od oko milion metara kvadratnih. Osim proizvodnje visoko kvalitetnog koksa i nus proizvoda koksa kao što su sirovi benzol, sirovi katran i amonijum sulfat, kompanija takođe opskrbljuje evropsko tržište i sa anhidridom maleinske kiseline i mineralnim đubrivima. Druga značajna posebnost je fabrika Energana, koja osim internog snabdjevanja električnom energijom vrši isporuke i prema državnoj mreži, te proizvodi i distribuira dekarboniziranu, demineraliziranu i pitku vodu za potrebe GIKIL-a i građana opštine Lukavac.

Metalurški koks

Godišnji kapacitet fabrike koksare na jednoj koksnoj bateriji je cca 630.000 tona ukupnog koksa. GIKIL posjeduje jos jednu koksnu bateriju koja trenutno ne radi i sa uposlenjem ovog kapaciteta godinja proizvodnja bi se mogla povećati za dodatnih 500.000mt cime bi GIKIL postao lider u ovom dijelu Evrope. Glavna tržišta za naš koks su u Srbiji, Italija, Njemačka i dijelom Bosna i Hercegovina. GIKIL ima odličnu poziciju kod svojih kupaca koksa koju je postigao kvalitetom robe i usluge. Koks se vecinom otprema željeznicom ali i pomorskim putem preko Luke Ploče.

Anhidrid maleinske kiseline (AMK)

Godišnji kapacitet fabrike je 10.000 tona maleinske kiseline s kvalitetom koja se može porediti s najboljima u svijetu. Tečni AMK se otprema željezničkim ili cestovnim cisternama, termalno izoliranim i sa svojim grijanjem. Čvrsti AMK se pakuje u vreće od 25 kg na

drvenim paletama od 50 vreća i može biti transportovan prekrivenim kamionima ili željezničkim vagonima. Proizvod je izuzetno popularan medju evropskim proizvođačima nezasićenih poliesterski smola (industrija plastike) tako da ne čudi da GIKIL danas ima vecu potražnju za proizvodom od moguceg ostvarivog kapaciteta. Prisutni smo u 16 zemalja Evrope i proizvod ide 100% u izvoz. Zbog velike potražnje GIKIL radi aktivno na prosirenju kapaciteta u narednom periodu. U planu je investicija u novi reaktor cime ce se kapacitet tvornice povećati za 20%.





Kalcijum amonijum nitrat (KAN)

GILKIL-ova fabrika za proizvodnju mineralnog đubriva proizvodi 90.000 tona Krecnog Amonium Nitrata (KAN). Ovaj GILKIL-ov proizvod sadrži 27% azota i granulacije je od 2,5 do 5 milimetara. KAN se pakuje u vreće od 5kg, 25kg i 600kg ili u rifuzno u odgovarajućim transportnim sredstvima. Vazno je istaci da je KAN prepoznatljiv po korištenju kamena krecnjaka (Ca CO₃) sa lukavackog rudnika Vjenac koji mu daje prepoznatljivu crvenu boju kao i umirujuće dejstvo na kiselost zemljišta. GILKIL-ov marketing tim je tokom predhodnih nekoliko godina prisutan na oglednim poljima i sajmištima širom zemlje i na okolnim vecim sajmovima, te u direktnim razgovorima sa poljoprivrednicima i proizvođačima mineralnih đubriva iz susjednih zemalja, došlo se do zaključka da KAN ima potencijal i prepoznat je kao kvalitetan brend u poljoprivredi. Ovo znači sigurnu budućnost KAN-a i stabilnu poziciju na tržištu našeg proizvoda sa mogućnostima da se proizvod plasira još intenzivnije kako u BiH tako i u zemljama regiona. Nasa ciljana trzista pored BiH su Austrija, Slovenija, Hrvatska, Madjarska, Srbija, Rumunija, Makedonija i Kosovo. „Kod onih zemljišta gdje smo imali nepovoljnu pH vrijednost, upotrebom lukavačkog KAN-a dolazimo do optimalne obezbijedenosti sa azotom i dovodimo do toga da i sve ostale makro i mikro elemente imamo u lako usvojivoj formi“ ističe prof. dr Goran Perković (redovni profesor na poljoprivrednom fakultetu Istocno Sarajevo). Sa ovim tvrdnjama struka potvrđuje tezu da KAN ima određene prednosti u kvaliteti u odnosu na konkurenciju sto se potvrđuje cinjenicom da je potraznja nakon pocetnih ispitivanja u okolnim zemljama svake godine sve veca. Sto se tice domaceg tržišta GILKIL danas kontroliše 55-60% trzisnog udijela sa ciljem da u narednom periodu poveca svoj udio na 65-70%. GILKIL-ov tim je opredjeljen da kao tržišni lider kroz proaktivan odnos nastavi partnerstvo sa poljoprivrednom zajednicom i već vrši pripreme za plasman dva nova prozoda: aditive za stočnu hranu (stočna kreda) i kalcijum karbonat i koji se koristi za kalcifikaciju zemljišta. Proizvodnja je vec pokrenuta i prve isporuke na trzistu se ocekuju na proljece. Sve detaljne specifikacije proizvoda kao i kontakt osobe možete naći na zvaničnoj web stranici www.gikil.ba.

Predstavljamo članicu Komore...

Elsta Mosdorfer Bosnia d.o.o.

Osnovna djelatnost proizvodnja i prodaja poliesterskih ormara od toplo presanog poliestera ojačanog staklenim vlaknima



MOSDORFER
KNILL GRUPPE

Kompanija Elsta Mosdorfer Bosnia d.o.o. je osnovana 1.4.2008. godine u Tuzli i posluje u sklopu KNILL Energy Holding GmbH Austria (www.knillgruppe.com). Proizvodnja i prodaja poliesterskih ormara od toplo presanog poliestera ojačanog staklenim vlaknima (SMC – Sheet Moulding Compound) je osnovna djelatnost. Elsta Mosdorfer Bosnia trenutno ima 85 zaposlenih i taj broj konstantno raste.

Proizvodi i primjena

Elsta Mosdorfer poliesterski ormari su, zbog svojih vrhunskih tehničkih svojstava, idealno rješenje za sve vrste primjene ormara na otvorenom.

Ormari su podijeljeni u više serija i veličina, od kojih svaka ima svoju primjenu (mjerni ormari, kablovski priključni ormari, signalno-komandni ormari, distributivni ormari, instalacioni ormari, ormari za gradilišta, ormari za kampove, samostojeći ormari i dr.). Nakon proizvodnje, ormari se sklapaju i isporučuju prazni ili se u njih ugrađuju komponente prema zahtjevima kupaca. Poliesterski ormari imaju široku primjenu u elektro-energetskom sektoru, telekomunikacijskom, industrijskom, saobraćajnom i svim drugim sektorima koji imaju potrebu za određenom vrstom napajanja.


Tržišta

Kompanija uspješno posluje kako na tržištu Bosne i Hercegovine, tako i na tržištima zemalja u okruženju.

Osim toga, kao članica Knill grupacije, Elsta Mosdorfer Bosnia svoje proizvode distribuira preko svoje centrale u Austriji prema kupcima širom svijeta.

Razvoj

Proširenje obima poslovanja dovelo je do planiranja izgradnje novog proizvodnog pogona kao i poslovne zgrade u 2017. godini. Projekat će biti realizovan na površini od blizu 30.000 m².



Elsta Mosdorfer Bosnia d.o.o.

Save Kovačevića 11, 75000 Tuzla, Bosna i Hercegovina

Tel: +387/35/317-050

Fax: +387/35/317-051

office.emb@elsta.com

www.elsta.com

Sjedište: Tuzla, BiH, MBS:032-01-0059-08, Općinski sud Tuzla

D.K.



Uspješna 2016. godina za RK "Tuzlanka"

RK "Tuzlanka": shopping i zabava

Uspješno realizovan niz aktivnosti i projekata - Muzika, zabava, nagrade... - Kontinuirani razvoj, investicije, proširenja... - Noviteti i iznenađenja i u 2017. godini

Robna kuća "Tuzlanka" realizovala je niz projekata u toku 2016. godine. Niz aktivnosti koje prošlu godinu svrstavaju u red veoma uspješnih. Kako je javnost bila uredno obavještavana iz Ureda za informisanje kojim na visokom nivou profesionalnosti rukovodi Jasmina Trumić, RK "Tuzlanka" bila je domaćin manifestacijama za sve uzraste. Bilježimo niz muzičkih događaja koji su privukli posjetitelje šire regije, ne samo Tuzlanskog kantona.



"Tokom cijelog decembra ove godine, za sve naše posjetitelje smo priređivali niz zabava i lijepih događaja, a sve u cilju da se osjećaju još ugodnije i ljepše u novom ambijentu Robne kuće Tuzlanka i da svakako učinimo im svakodnevnicu još zabavnijom. Od velike zabave „Late night shopping uz Kiki Lesendrića i Pilote“, zatim nastup grupe „Legende“, glumačke animacije i foto korneri, predstave za djecu, svečano otvaranje Djeda Mrazovog Polarnog Muzeja, prvog u BiH, te nagrađivanje najbolje napisanih pisama za Djeda Mraza, sve to učinilo je da Rk Tuzlanka bude posebna, čarobna i ispunjena osmjesima u najbolje praznične dane", izjavila je Jasmina Trumić voditeljica Marketing službe. Uz sve pomenuto, veoma je važno pomenuti kontinuirani razvoj. Robna kuća Tuzlanka je u posljednjih deset godina doživjela velike investicije i proširenja, te svim svojim kupcima i posjetiocima pružila novi doživljaj kupovine. Uz dodatna proširenja objekta, investicije uređenja parkinga, rekonstrukcije pokretnog stepeništa te dovođenjem poznatih evropskih brendova, RK Tuzlanka je dobila ljepši i prepoznatljiviji izgled i savršeno mjesto za shopping i zabavu. Od decembra ove godine Robna kuća Tuzlanka je dobila svoj logo, korporativne boje i svoju web stranicu www.tuzlanka.ba, gdje će svi naši cijenjeni kupci moći pratiti sva dešavanja u objektu. Sasvim je sigurno da će za posjetioce i u 2017. godini RK "Tuzlanka" biti ono što je i do sada bila, što jeste i što će još zasigurno mnogo narednih godina biti, a to je glavno mjesto uživanja u kupovini, mjesto ugodnog druženja, nezaobilazna lokacija za opuštanje i trenutke odmora, objekat za koji žitelje Tuzlanskog kantona i šire regije, vežu sjećanja i emocije.



"Što se tiče planova za 2017. godinu, možemo reći da ćemo svim našim građanima i posjetiteljima pružiti još noviteta i iznenađenja, naši ciljevi su i dalja ulaganja u Robnu kuću Tuzlanka, a o detaljima ćete svi biti blagovremeno upoznati", izjavila je Trumićeva. Tuzlanka je prvi i najekskluzivniji zabavni i shopping centar u Tuzli i okolini. Smještena u centru svih dešavanja s vremenom je postala jedan od simbola Tuzle...

D.K.



Deterdžent iz “Dite” za Oružane snage BiH...

Dita i dalje bez vlasnika

Dita još bez vlasnika – I dalje postoji interes - U šestoj prodaji nije bilo prijavljenih za kupovinu
- Promet od četiri miliona KM - Zaposleno i 15 mladih radnika

Fabrika deterdženata Dita Tuzla još uvijek nije dobila svog vlasnika. Na posljednji oglas o preuzimanju u kojem je vrijednost imovine procijenjena na 13.610.000 KM niko se nije javio, ali je pozitivno da je fabrika u stečaju počela proizvodnju posebnog deterdženta za Oružane snage Bosne i Hercegovine. Iako nijedna ponuda za kupovinu fabrike u šestoj prodaji nije stigla, iz Dite ističu da postoje zainteresovani za preuzimanje imovine, ali da im trenutna cijena ne odgovara. **“U šestoj prodaji nije bilo prijavljenih za kupovinu, ali postoje interesanti koji nastoje prikupiti informacije vezano za poslovanje, odnosno da li preduzeće može poslovati. S druge strane nas samo zanima kredibilan kupac. To su i glavne pretpostavke zašto se još niko nije zvanično javio na objavljenu prodaju”,** izjavio je za Klix.ba pomoćnik stečajnog upravnika Dite Almir Bajrić. Prva procjena vrijednosti imovine Dite iznosila je blizu 19 miliona KM, a u šestom krugu je snižena na 13,6 miliona. Bajrić kaže da će novi krug prodaje biti objavljen 4. aprila ove godine te da početna cijena još uvijek nije utvrđena.



Promet od četiri miliona KM

S druge strane Dita je u prošloj godini ostvarila promet u iznosu od blizu četiri miliona maraka. **“U prošloj godini smo poslovali pozitivno. Promet od blizu četiri miliona KM je bio dovoljan da se pokriju direktni troškovi radne snage, dobavljača i slično. Nije ugrožena naša dalja proizvodnja”,** naglašava pomoćnik stečajnog upravnika Dite. A dok čeka kredibilnog strateškog partnera, Dita kao prva fabrika u stečaju koja je dobila certifikat za kvalitet proizvoda ISO 9001:2008 nastavlja rad. Pored već poznatih proizvoda, radnici su počeli i proizvodnju posebnog deterdženta pod nazivom “Super Dish” za Oružane snage Bosne i Hercegovine. **“Riječ je o specifičnom deterdžentu. Nije riječ o ogromnim količinama jer se mi kao preduzeće u stečaju ne možemo prijaviti na tender, ali smo određene**

količine omogućili putem jedne firme”, pojasnio je Bajrić. U preduzeću koje je u stečaju od aprila 2015. godine trenutno je zaposleno blizu 75 osoba.



Zaposleno i 15 mladih radnika

U protekloj godini penzionisano je 13 uposlenika. U narednom periodu planirano je penzionisanje blizu deset radnika, od kojih se šest nalazi u radnom odnosu, a ostali na Evidenciji zavoda za zapošljavanje TK.

“Dosad smo na sva mjesta koja ostanu upražnjena nakon odlaska radnika u penziju, ako ne možemo preraspodjelom pokriti isto, dovodili nove ljude, tako da mi trenutno imamo zaposlenih blizu 15 mladih radnika”, kaže sagovornik. Ditini proizvodi se trenutno osim u BiH mogu pronaći i na tržištu Kosova, a u toku su pregovori i za izvoz u još nekoliko zemalja regije.

D.K.



JP EPBiH i RMU Banovići strateški partner...

TTU Energetik ubrzo počinje s aktivnom proizvodnjom



Nakon što je nedavno prodata imovina dijela Tvornice transportnih uređaja (TTU) Tuzla, stvoreni su uslovi za formiranje novoosnovane firme TTU Energetik. Kako najavljuju iz Vlade TK, TTU Energetik bi ubrzo trebao početi s aktivnom proizvodnjom, a petnaest radnika je već počeo s radom u ovoj fabrici. Krajem prošle godine proizvodni dio firme TTU u Tuzli prodan je za oko šest miliona KM. Imovinu su kupili Elektroprivreda BiH i RMU Banovići. Većinski vlasnik nove firme je Elektroprivreda u iznosu od 80 posto, dok će preostalih 20 posto pripasti RMU Banovići. Kantonalni premijer Bego Gutić rekao je Feni da su obaveze prema firmi i radnicima koje su Vlada Federacije BiH i Kantonalna vlada preuzela tokom prošle godine i ispunili. **“Moram naglasiti da ne stoje primjedbe koje ovih dana čujemo od sindikata na njihovim protestima koje oni organiziraju ponedjeljkom, da Vlada FBiH i Vlada TK nisu ispunile svoje obaveze. Vlada je prije godina dana obećala sljedeće - da otvaramo stečajni postupak, da uporedo sa stečajnim postupkom tražimo strateškog partnera. Našli smo strateškog partnera, to je Elektroprivreda BiH i Rudnik uglja Banovići koji su formirali novo privredno društvo. Kazali smo da idemo s kupovinom dijela imovine TTU-a u ovoj godini i sve je to i ispunjeno”**, izjavio je Gutić. Ubrzo će u ovoj firmi početi aktivna proizvodnja. Planirano je zapošljavanje 65 radnika, koji će biti sukcesivno primani, odnosno u skladu s potrebama. Čekaju se prvi poslovi u narednom periodu, kao i daljnja zapošljavanja. Cilj je osposobiti kompaniju da samostalno izlazi na tržište i prijavljuje se na tendere, kako bi se nadoknadilo izgubljeno vrijeme i kvalitet u mašinskoj industriji BiH.

Dokumentacija pripremljena, očekuje se podrška Vlade FBiH...

Izgradnja Bloka 7 TE Tuzla centralno pitanje Energetskog sektora



Generalni direktor Elektroprivrede BiH Bajazit Jašarević izjavio je u Tuzli da je put razvoja privrede u energetskom sektoru BiH u podizanju proizvodnje u rudnicima uglja i maksimalne proizvodnje u Termoelektranama Tuzla i Kakanj. “Potrebno je na temelju zdravog energetskog sektora razvijati što nižu cijenu energije, koja bi bila potpora industrijskom razvoju BiH”, kazao je Jašarević, koji je učestvovao na sastanku federalnog premijera Fadila Novalića i tuzlanskih privrednika. Jašarević je naglasio je da je u 2016. godini proizvedeno 450.000 tona uglja više. “Nalazimo se na dobrom putu, doveli smo do pozitivnog poslovanja rudnike Đurđevik i Gračanica, očekujemo u ovoj godini da svi rudnici osim Zenice dođu u fazu pozitivnog poslovanja”, kaže Jašarević, tvrdeći da bi to bio prvi korak,

dok bi drugi korak bio vraćanje dugovanja iz prošlosti. Smatra da je centralno pitanje energetskog sektora u Tuzli gradnja Bloka 7, TE Tuzla. “Mi smo predali svu dokumentaciju za Blok 7, očekujemo u narednim mjesecima podršku Vlade i Parlamenta FBiH”, naglasio je Jašarević. Mišljenja je da Blok 7 nema alternativu, ocijenivši da je to blok sa najboljim ekonomskim i ekološkim parametrima, te da će zamijeniti postojeće blokove i da će zbog toga i zrak u Tuzli biti puno primjereniji življenju u tom gradu. Najavio je da će se Elektroprivreda BiH također okrenuti pripremi izgradnje termo bloka 8, TE Kakanj. Protekli mjesec bio je mjesec najveće suše, koja se pamti u zimskom periodu, kao i najniže temperature u posljednjih 25 godina, navodi Jašarević, dodajući da su zbog toga, ali i zbog puno proizvedene energije u posljednjem kvartalu 2016. godine depoi trenutno prazniji. Oporavak rudnika Kreka je doveo do toga da nesmetano proizvodimo energiju i pokušavamo da se rudnici Đurđevik i Banovići približe ugovorenim količinama za ovu godinu, a imali su određenih poteškoća zbog leda i niskih temperatura, rekao je Jašarević te dodao da se ove godine očekuje najveća moguća proizvodnja iz postojećih termoelektrana, što će omogućiti nesmetan rad rudnika i pozitivno poslovanje Elektroprivrede BiH.

D.K.



Raspisan javni natječaj...

Privredna komora FBiH nagrađuje najbolju poslovnu ideju



PRIVREDNA/GOSPODARSKA KOMORA
FEDERACIJE BOSNE I HERCEGOVINE

CHAMBER OF ECONOMY OF THE FEDERATION OF BOSNIA AND HERZEGOVINA

Privredna/Gospodarska komora Federacije BiH raspisala je javni natječaj za dodjelu nagrada za najbolju poslovnu ideju u FBiH 2017. godine. Predmet Javnog natječaja je prikupljanje prijava za odabir najbolje poslovne ideje u Federaciji BiH za sljedeće sektore: IT (informatičke tehnologije), metal i elektroindustrija, poljoprivreda i prehrambena industrija, drvoprerađivački sektor, turizam i ekologija, te Marketing i dizajn. Iz svakog od navedenih sektora bit će odabrana po jedna ideja i nagrađena s novčanom nagradom od 1.000 KM. Iz tih sektora bit će odabrana po jedna ideja i nagrađena novčanom nagradom, a nagrađene ideje bit će predstavljene i na značajnim gospodarskim događajima u FBiH u toku ove godine. Pravo na prijavu imaju subjekti malog gospodarstva i obrtnici, inovatori, studenti i druge fizičke osobe, s tim da se mogu prijaviti samo rezidenti Federacije BiH. Kriteriji za izbor su originalnost i inovativnost ideje, namjena ulaganja sredstava, izvori financiranja, orijentiranost izvozu, povećanje zaposlenosti,

društveni značaj za lokalnu zajednicu, ekonomska održivost...Zahtjev za uključivanje u projekt i sadržaj/obrazac poslovnog plana za prijavu na ovaj javni natječaj pripremila je Komora i može se preuzeti na web stranici www.kfbih.com.

Izbor korisnika grant sredstava vršit će komisija za odabir korisnika sredstava koju će imenovati predsjednik Privredne komore Federacije BiH. Rok za dostavu prijava je 60 dana od dana objavljivanja javnog natječaja, odnosno do 27. marta ove godine.

Iz Tuzle za Köln, Nürnberg, Friedrichshafen i Bratislavu...

U martu četiri nove linije s Međunarodnog aerodroma Tuzla



Međunarodni aerodrom Tuzla (MAT) krajem marta 2017.godine proširuje lepezu usluga s četiri nove linije sa kompanijom Wizz Air, potvrdio je Feni direktor Međunarodnog aerodroma Tuzla Rifet Karasalihović. Putnici će s tuzlanskog aerodroma tako pored postojećih destinacija moći putovati i u Köln, Nürnberg, Friedrichshafen i Bratislavu, a po riječima Karasalihovića za ove destinacije je već puštena prodaja karata. Karasalihović podsjeća, da je u protekloj godini ovaj aerodrom opslužio 311.128 putnika, naglasivši da je u ovoj godini planirano povećanje, odnosno predviđeni broj na godišnjem nivou je 480.000 putnika. Tvrdi i da je sve spremno za puštanje u rad prilaznih svjetala na ovom aerodromu, ali da se čeka da se riješe postojeći imovinsko-pravni problemi. "Vršimo probna ispitivanja u saradnji s avio kompanijama, te kada se riješe problemi imovinske prirode, moći ćemo dobiti i građevinsku dozvolu, a ubrzo nakon toga krenuti u realizaciju puštanja u rad pristupnih svjetala, nadam se u što skorije vrijeme", kaže Karasalihović. Flight check koji je odrađen 29. decembra 2016. godine pokazao je, da su svi tehnički uvjeti za puštanje pristupnih svjetala i pripreme zadovoljavajući i po svim međunarodnim propisima. Karasalihović napominje da je planom rada MAT-a za 2017. godinu predviđena rekonstrukcija i proširenje putničkog terminala, što bi, kako tvrdi, ubuduće omogućilo da ovaj aerodrom opsluži i do 700.000 putnika na nivou godine. U ovoj godini planirano je i upošljavanje novih zaposlenika, shodno potrebama nesmetanog rada tuzlanskog aerodroma.

D.K.



Iz komorskog sistema regije...

PKS podržava jačanje CEFTA



Privredna komora Srbije (PKS) podržava ekonomsku integraciju i zalaže se za ukupnjivanje tržišta regiona da bi se obezbijedila konkurentnost, istaknuto je u Briselu na panelu o prioritetima predsjedavanja Srbije Sporazumom o slobodnoj trgovini u centralnoj Evropi (CEFTA). PKS će snažno podržati predsjedavanje Srbije CEFTA jer je otklanjanje barijera u poslovanju kompanija u regionu u najboljem interesu svih, izjavio je generalni menadžer PKS Milan Vranić. On je učestvovao na tom panelu koji su organizovale PKS, Misija Srbije pri EU i sekretarijat CEFTA, saopštila je PKS. U Evropskoj komisiji naglašavaju da je dobra regionalna saradnja na Zapadnom Balkanu strateški važna za evrointegraciju zemalja regiona i da su aktivnosti u okviru CEFTA dobar instrument za unapređenje dobrosusjedskih odnosa, navodi se u saopštenju. Direktor Sektora PKS za ekonomske odnose sa inostranstvom Nenad Đurjević je rekao da Srbija ima najveću razmjenu sa regionom CEFTA. "To je dobro i predstavlja neku vrstu pripreme za integraciju u jedinstveno tržište EU. Sinhronizujemo neke procedure

koje poboljšavaju razmjenu i ekonomsku saradnju, ali i uočavamo koje su prepreke i mogućnosti kada budemo postali članica EU", rekao je on. U saopštenju je navedeno i da su privredne komore članice CEFTA aktivne na smanjenju birokratije i na unapređenju uslova poslovanja. Ocjenjeno je i da preuzimaju vodeću ulogu ispred svojih poslovnih zajednica u zastupanju interesa u okviru Berlinskog procesa osnivanjem Komorskog investicionog foruma. Očekuje se da privredne komore i ministarstva ekonomija animiraju regionalne poslovne zajednice da više sarađuju s kompanijama iz EU. Na marginama slijedećeg samita, u okviru Berlinskog procesa, u Beogradu i Trstu biće poslovni forumi radi jačanja saradnje privreda regiona i EU, prije svega iz Italije, Austrije i Nemačke.

Komentar predsjednika HGK Luke Burilovića na prvih 100 dana Vlade RH



„U prvih sto dana Vlada se fokusirala na definiranje i provedbu obuhvatne porezne reforme i izradu Akcijskog plana za rasterećenje gospodarstva. Ohrabruje što se iz navedenih aktivnosti vidi jasna usmjerenost Vlade prema gospodarstvu s namjerom da se poslovnim subjektima olakša poslovanje i kreira poticajnije poslovno i investicijsko okruženje. Ipak, s obzirom da Hrvatska prema gotovo svim pokazateljima konkurentnosti zaostaje u odnosu na prosjek država srednje i istočne Europe, nužan je niz strukturnih reformi poput reforme mirovinskog, zdravstvenog, obrazovnog sustava ili reforme državne uprave i javnih poduzeća. Napravljeni su pojedini preduvjeti poput osnivanja Ministarstva državne imovine ili Ministarstva demografije čime su apostrofirani važni problemi koji do sada nisu bili u fokusu ekonomske politike, ali su u prvih sto dana izostali dinamičniji i odlučniji potezi. Provedba porezne reforme svojim obuhvatom i bitnim elementima rezultirat će odmjeranim poreznim rasterećenjem koje neće ugroziti neophodnu fiskalnu konsolidaciju javnih financija, a kreirat će stabilniji i predvidljiviji porezni sustav. Pozitivno je što je reforma istodobno usmjerena prema poslovnim subjektima, posebno srednjim i malim, ali i građanima što će kroz povećanje plaća i raspoloživog dohotka djelovati na nastavak rasta potrošnje i investicija. Donošenje Akcijskog plana za rasterećenje gospodarstva predstavlja važan i dobar put u uvažavanju potreba i zahtjeva poduzetničkog sektora, što će imati pozitivne implikacije na rezultate poslovanja tvrtki, a time i na dinamiku ukupnog gospodarskog rasta. Dosljedna primjena Akcijskog plana pridonijet će poboljšanju položaja hrvatskog gospodarstva na ljestvicama konkurentnosti, a time zemlju učiniti atraktivnijom za izravna strana ulaganja. Vlada je u prvih sto dana donijela i Državni proračun za 2017. godinu u koji su ugrađeni efekti porezne reforme, a istodobno je osigurano zadovoljavanje fiskalnih kriterija povezanih s deficitom i dugom opće države. Stoga će državni proračun za 2017. i naredne godine imati pozitivan utjecaj na mogućnost izlaska iz procedure uklanjanja prekomjernoga proračunskog manjka te

na poboljšanje kreditnog rejtinga zemlje. Pri tome je u realizaciji važno da se ne uspori provedba važnih reformi, posebno u sustavima državne i javne uprave, mirovinskom i zdravstvenom sustavu, te ostalih strukturnih reformi koje su preduvjet podizanja stope potencijalnog gospodarskog rasta zemlje. Zadovoljan sam što je Vlada u prvih sto dana provela mjere i aktivnosti koje su u funkciji stvaranja povoljnije poslovne i investicijske klime s intencijom troškovnog rasterećenja gospodarstva i stanovništva. Međutim, očekujem jačanje aktivnosti u provedbi dubljih strukturnih reformi s ciljem povećanja konkurentnosti, a time dinamičnijeg i dugoročno održivoga gospodarskog rasta.“

D.K.



Sajamske aktivnosti...

Lukavac: Sajam "List 2017" od 11. do 13. maja



Nuhanović d.o.o. Lukavac u čijem sastavu posluje Poslovna jedinica „Lukavački sajam“ u saradnji sa Općinom Lukavac organizuje 15. međunarodni sajam turizma „LIST“ 2017, koji će se održati u Lukavcu u terminu od 11.05.-13.05.2017. godine. Analizirajući protekle godine moramo da istaknemo da Lukavački sajam privuče najznačajnije turističke djelatnike iz zemlje i regiona, da promocija privrednih, kulturnih i sportskih potencijala naše zemlje putem najeminentnijih bosanskohercegovačkih medija, kao i kontinuirani rast i razvoj sajma nije ostao ne zapažen kako u zemlji tako i u regionu. 2016. godine na sajmu se predstavilo 130 izlagača iz 10 zemalja (Mađarske, Turske, Albanije, Srbije, Hrvatske, Crne Gore, Slovenije, Indonezije, Malezija i BiH) na 3.000 m2 izložbenog sajamskog prostora. Izlagači su svoje proizvode i usluge prezentovali pred cca. 15.000 - 20.000 posjetilaca iz cijele BiH i regiona. S namjerom očuvanja postignute kvalitete i razine sajamskih usluga, ali i njihovog poboljšanja, 15. sajamsku manifestaciju obilježiti će brojni događaji od kojih izdvajamo: konferencije, stručne skupove i radionice sa temama iz oblasti turizma,

zatim već tradicionalno održavanje Festivala hrane i pića, Novinarske kotlićijade, Sajamske biciklijade, Koncert za mlade, organizovanje sajamskih večeri na kojima se predstavljaju tradicija i kultura neke od zemalja učesnica Sajma. Dosadašnji partneri Sajma: Indonezija, Njemačka, Srbija, Hrvatska i Crna Gora. S obzirom na važnost ovog kulturnog događaja i koristi za sve građane i širu društvenu zajednicu pozivamo Vas da uzmete učešće i na taj način budete dio ovogodišnjeg, 15. međunarodnog sajma turizma „LIST“ 2017. Za dodatne informacije možete posjetiti našu web stranicu www.lukavacki-sajam.com.ba. Više informacija na tel.: 061/721-561; 035/574-700; fax: 035/574-701; e-mail: lukavacki_sajam@yahoo.de.

21. Sajam građevinarstva Grames Banjaluka, 15-18.3.2017.



Već 21. put početak građevinske sezone obilježava Grames sajam građevinarstva. Na sajmu će svoje mjesto naći najprestižnije kompanije iz svijeta građevinarstva, elektro i mašinske sfere poslovanja ali po prvi put i svijet dekora i dizajna, kao prirodna nadogradnja u izgradnji. Cilj nam je na sajmu napraviti mjesto okupljanja te smo planirali po prvi put Business-to-business (B2B) sastanke gdje bi investitori direktno sa izvođačima pregovarali o poslovima u predstojećoj sezoni. Sajam koji se održava od 15. do 18. marta 2017. godine a čiji je organizator "Sajam" doo, održava se na Banjalučkom velesajmu i nudi novosti iz oblasti: oprema za građenje, skele i merdevine, nosači i oplate, pregradni zidovi i plafoni, projektovanje, inženjering, izgradnja i rekonstrukcija, oprema za radionice, roletne, trakaste zavese, venecijaneri, građevinska mehanizacija, mašine i uređaji, zaštitna oprema, beton, cement, armatura, betonski proizvodi, mermer, granit, kamen, keramičke i granitne pločice, opeke i blokovi, crijevi, tegola i ostali krovni pokrivači, staklo i staklene fasade, sanitarna oprema, san. armature, namještaj za kupatila, cijevi, instalacije i kanalizaciona oprema, građevinske konstrukcije i profili, uređenje enterijera, podne i zidne obloge, montažni objekti, vrata i prozori, kapije i ograde, drvena stepeništa, parket, lamperija, građa, osvjetljenje ...PRIJAVA za Sajam Grames i Demi 2017, na web stanici Komore: www.kpktz.ba.

D.K.



Kalendar sajмова u Bosni i Hercegovini za 2017. godinu



NAZIV	Opis	Datum	Mjesto
GRAMES 2017	Međunarodni sajam građevinarstva	15.- 18. mart	Banja Luka
DEMI 2017	Međunarodni sajam dostignuća u elektro-mašinskoj industriji i inovacije	15.- 18. mart	Banja Luka
INTERIO&EXTERIO 2017	Međunarodni sajam šumarstva, drveta, namještaja, unutrašnjeg uređenja i prateće drvne industrije	15.- 19. mart	Sarajevo
MOSTARSKI SAJAM 2017	Međunarodni sajam gospodarstva	4. – 8. april	Mostar
GRAPOS-EXPO 2017	Međunarodni sajam poduzetništva i obrta	18. – 22. april	Gračanica
LIST 2017	Lukavački sajam turizma	11. – 13. maj	Lukavac
ENERGA 2017	Međunarodni sajam energije, industrije i rudarstva	Juni 2017	Tuzla
SAJAM ŠLJIVE 2017	Međunarodni sajam poljoprivrede i prehrambene industrije	23.- 27. avgust	Gradačac
EKOBIS 2017	Međunarodni ekološki sajam	14. – 17. septembar	Bihać
JESENJI SAJAM 2017	Međunarodni sajam poljoprivrede i prehrambene industrije, lova, ribolova, ekologije i sporta, turizma i ugostiteljstva	16. – 19. novembar	Banja Luka
ZEPS 2017	Generalni BH sajam	3.- 7. oktobar	Zenica
ZEPS INTERMETAL 2017	Međunarodni sajam metala	3.- 7. oktobar	Zenica
DANI JABUKE 2017	Sajam poljoprivrede i prehrambene industrije	Oktobar 2017	Goražde
BRČKO 2017	Međunarodni sajam privrede	Novembar 2017	Brčko



Kalendari značajnijih sajmova u regionu...

Zagreb: Sajmovi Zagebačkog Velesajma za 2017. godinu



Vanjskotrgovinska/Spoljnotrgovinska komora Bosne i Hercegovine obavještava je od Zagrebačkog velesajma da je objavljen Program sajmova za 2017. godinu. Program, kao i više informacija o pojedinim sajamskim manifestacijama, dostupan je na web stranici www.zv.hr.

Beograd: Sajmovi Beogradskog Velesajma za 2017. godinu



BEOGRADSKI SAJAM

Vanjskotrgovinska/Spoljnotrgovinska komora Bosne i Hercegovine obavještava da su objavljeni kalendari sajamskih manifestacija koje će se održati u Beogradu i Novom Sadu tokom 2017. godine. Više informacija, sa detaljima o organizaciji i modalitetima učešća, o pojedinim sajamskim manifestacijama dostupno je na web stranici organizatora: <http://sajam.rs/kalendar-2017/>.

Novi Sad: Sajmovi u Novom Sadu za 2017. godinu



Vanjskotrgovinska/Spoljnotrgovinska komora Bosne i Hercegovine obavještava da su objavljeni kalendari sajamskih manifestacija koje će se održati u Beogradu i Novom Sadu tokom 2017. godine. Više informacija, sa detaljima o organizaciji i modalitetima učešća, o pojedinim sajamskim manifestacijama dostupno je na web stranici organizatora: <http://www.sajam.net/live/Dogadjaji/Sajmovi>.

D.K.



Privredna kretanja u Bosni i Hercegovini I-IX 2016

Ukupna sezonski prilagođena industrijska proizvodnja u Bosni i Hercegovini u septembru 2016. u poređenju sa avgustom 2016. bilježi rast za 0,5%. U septembru 2016. u upoređenju sa septembrom 2015. industrijska proizvodnja u Bosni i Hercegovini, kalendarski prilagođena, bilježi rast za 3,6%.

	VII 16/ VII 15	VIII 16/ VIII 15	IX 16/ IX 15	I-IX 16/ I-IX 15
Ukupno industrija	0,3	2,5	3,6	3,8
Intermedijarni proizvodi	-4,0	1,2	-3,3	3,0
Energija	8,2	6,1	13,5	4,5
Kapitalni proizvodi	7,7	4,6	7,3	3,6
Trajni proizvodi za široku potrošnju	-16,2	-14,7	-4,8	18,2
Netrajni proizvodi za široku potrošnju	-7,3	1,4	-1,5	2,4

Ukupan obim vanjskotrgovinske razmjene u tri kvartala 2016. godine je 19.000.318.000 KM. Izvoz je bio 7.129.761.000 KM što je rast od 3,6%, a uvoz 11.870.557.000 KM što je rast od 3,6%, u odnosu na I-IX 2015. godine. Vanjskotrgovinski deficit iznosi 2.990.203.000 KM (rast deficita za 2,77%). Pokrivenost uvoza izvozom u Bosni i Hercegovini je 61,1%. Najznačajniji vanjskotrgovinski partneri Bosne i Hercegovine su Hrvatska, Njemačka i Srbija.

U septembru broj zaposlenih osoba u BiH iznosio je 733.261, a od toga 302.029 žena. U odnosu na avgust broj zaposlenih osoba se povećao za 0,8%. Broj registriranih nezaposlenih osoba u BiH iznosio 514.935. Broj nezaposlenih osoba u septembru 2016. godine u odnosu na avgust 2016. godine se smanjio za 1,1%, a broj nezaposlenih žena se, također, smanjio za 1,4%. Ako uporedimo septembar 2016. godine sa septembrom 2015. godine, uočiti ćemo pad nezaposlenosti od 4,5 indeksnih poena ili u apsolutnom iznosu broj osoba koje se vode kao nezaposlene smanjio se za 24.768.

Bosna i Hercegovina	IX 2014	IX 2015	IX 2016
Registrirana nezaposlenost	547.937	539.703	514.935

PRIVREDNA KRETANJA U FEDERACIJI BOSNE I HERCEGOVINE

Industrijska proizvodnja na nivou Federacije BiH u periodu I-IX 2016. godine ostvarila je rast u odnosu na I-IX 2015. godinu u vrijednosti od 2,2%. Prema glavnim industrijskim grupacijama, rast obima proizvodnje je zabilježen u proizvodnji intermedijarnih proizvoda (4,1%), netrajnih proizvoda za široku potrošnju (1,3%), trajni proizvodi za široku potrošnju (17,2%) i kapitalnih proizvoda (2,6%), dok je pad zabilježen u proizvodnji energije (-1,0%).


Obim vanjskotrgovinske razmjene u III kvartala 2016. godine je 12.611.235.000 KM. Registrovan je pad izvoza od 1,27% i rast uvoza od 5,08%. Vanjskotrgovinski deficit je 3.312.801.000 KM i veći je u odnosu na isti period prošle godine za 15,5%. Pokrivenost uvoza izvozom u Federaciji BiH je 58,4%.

Najveći broj nezaposlenih registriran je u Tuzlanskom (92.654 ili 24,74%), potom u Kantonu Sarajevo (68.871 ili 18,39%) i Zeničko-dobojskom kantonu (67.029 ili 17,90%). U Bosansko-podrinjskom kantonu je registrirano 3.559 nezaposlenih osoba ili 0,95% od ukupnog broja.

KANTON	ZAPOSLENI (septembar 2016)	NEZAPOSLENI (septembar 2016)
Unsko-sanski	33.015	44.743
Posavski	5.856	5.187
Tuzlanski	84.940	92.654
Zeničko-dobojski	72.558	67.029
Bosansko-podrinjski	6.827	3.559
Srednjobosanski	43.977	39.377
Hercegovačko neretvanski	49.034	32.952
Zapadno-hercegovački	17.874	11.434
Kanton Sarajevo	130.249	68.871
Kanton 10	9.614	8.694
Zaposleni u Ministarstvu odbrane	8.000	-
UKUPNO	461.944	374.500

PRIVREDNA KRETANJA U TUZLANSKOM KANTONU

U devet mjeseci 2016. godine, ostvaren je rast obima industrijske proizvodnje u odnosu na isti period 2015. godine u vrijednosti od 5,3%. Privreda Tuzlanskog kantona u septembru 2016. godine u odnosu na prosjek 2015. ostvarila je rast industrijske proizvodnje od 8,9%. U odnosu na devet mjeseci 2015. godine, prerađivačka industrija ostvaruje rast od 4,6%, proizvodnja i snabdijevanje električnom energijom 2,2%, a vađenje ruda i kamena 11,6%.




Industrijska proizvodnja I-IX 2016/ I-IX 2015 (%)



U devet mjeseci 2016. godine iz Tuzlanskog kantona ukupno je izvezeno proizvoda u vrijednosti od 927.084.000 KM što je u odnosu na isti period 2015. godine rast od 1,2%. U isto vrijeme je došlo do pada uvoza od 2,8% te je uvezeno roba u vrijednosti od 1.135.630.000 KM. Pokrivenost uvoza izvozom je 81,6%, a vanjskotrgovinski deficit je 208.546.000 KM. U odnosu na isti period 2015. godine, došlo je do pada izvoza hrane i pića od 0,7%, goriva i maziva 18,8%, kapitalnih proizvoda 11,8%, i proizvoda za široku potrošnju 3,4%, a došlo je do rasta izvoza inustrijskih materijala 11,6% i proizvoda za široku potrošnju 13,5%. Rast uvoza u odnosu na devet mjeseci 2015. godine je ostvaren kod industrijskih materijala 3,7%, transportnih sredstava 7,3% i proizvoda za široku potrošnju 2,9% a da pada uvoza je došlo kod uvoza hrane i pića 5,3%, goriva i maziva 31,3% i kapitalnih proizvoda 3,9%.

Prema podacima Federalnog zavoda za zapošljavanje, u septembru 2016. godine u Tuzlanskom kantonu je bilo zaposleno ukupno 84.940 osoba. U odnosu na prethodni mjesec, broj zaposlenih je veći za 0,4%, dok je u odnosu na prosjek 2015. godine veći za 1,8%. Prerađivačka industrija i trgovina zapošljavaju najviše osoba. U septembru 2016. godine je registrovano 92.654 nezaposlenih osoba ili 0,5% manje u odnosu na avgust 2016. Prema stručnoj spremi, najviše je KV i NKV radnika, a slijede osobe sa srednjom stručnom spremom.



Zaposleni i nezaposleni IX 2015 – IX 2016

	Zaposlenost (IX 2016)	Nezaposlenost (XI 2016)	Prosječna plaća (IX 2016)
UKUPNO	84.940	92.654	749
Banovići	5.163	5.453	858
Čelić	1.029	2.554	629
Doboj-Istok	1.774	2.353	530
Gračanica	9.132	8.822	557
Gradačac	7.589	7.257	621
Kalesija	3.851	8.461	632
Kladanj	2.028	2.657	658
Lukavac	8.224	10.064	764
Sapna	584	2.489	779
Srebrenik	5.371	8.480	624
Teočak	441	1.716	773
Tuzla	30.981	19.304	875
Živinice	8.773	13.044	723

Zaposleni i nezaposleni u općinama TK


Prosječna neto plata u Tuzlanskom kantonu u septembru je iznosila 749,00 KM što je ispod prosjeka Federacije BiH. U odnosu na kantonalni prosjek iz 2015. godine, neto plaća je veća za 2,2%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom, dok su najniže prosječne neto plate u građevinarstvu.

Djelatnost		Broj zaposlenih IX 2016	Tuzlanski kanton	
			Neto plaća	Bruto plaća
A	Poljoprivreda, šumarstvo i ribolov	1.299	719	1.079
B	Vađenje ruda i kamena	7.063	916	1.391
C	Prerađivačka industrija	19.182	561	828
D	Proizvodnja i snabdijevanje el.en., plinom	1.796	1.536	2.391
E	Snabdijevanje vodom i uklanjanje otpadnih voda	1.365	831	1.259
F	Građevinarstvo	5.137	484	718
G	Trgovina na veliko i malo	14.136	531	796
H	Prevoz, skladištenje i komunikacije	5.244	644	969
I	Hotelijerstvo i ugostiteljstvo	3.328	545	817
J	Informacije i komunikacije	1.261	1.059	1.636
K	Finansijske djelatnosti	1.245	1.181	1.832
L	Poslovanje nekretninama	237	559	850
M	Stručne, naučne i tehničke djelatnosti	2.116	754	1.155
N	Administrativne i pomoćne uslužne djelatnosti	853	562	848
O	Javna uprava i odbrana	5.030	1.098	1.687
P	Obrazovanje	7.858	771	1.182
Q	Zdravstvena socijalna zaštita	6.173	1.030	1.591
R	Umjetnost, zabava i rekreacija	580	717	1.093
S	Ostale uslužne djelatnosti	1.037	755	1.149

STRUČNA SLUŽBA KOMORE



THE CHAMBER OF ECONOMY OF TUZLA CANTON



TUZLA CANTON

Your Business Partner

